



REÇU
Par Alf Christian , 09:09, 13/05/2020

n° 2197

Fernand ETGEN
President vun der
Deputéiertechamber
19, um Krautmaart
L-1728 Lëtzebuerg

Lëtzebuerg, den 12/05/2020

Här President,

Sou wéi den Artikel 84 vun eisem Chambersreglement et virgesäit, bieden ech lech, dës dringend parlamentaresch Fro un d'Ministere fir Aussenugeleeënheeten an Europa & Ëmwelt, Klima an nohaltëg Entwécklung weiderzeleeden.

Déi belsch Pläng, fir no un der Lëtzebuenger Grenz atomar Offäll ze stockéieren, suerge bei der Lëtzebuenger Ëmweltministesch fir grousst „Onversteesdemech“.

De 15. Mee 2018 huet d'Chambre de Projet de loi n°7177 eestëmmeg votéiert. Beim dësem Projet de loi goug et ëm een Accord tëscht dem Grand-Duché an der Belscht, betreffend der Gestiou an dem definitiven Stockage vum radioaktiven lëtzebuergeschen Offall um Territoire vun der Belsch. Wärend der deemoleger Chamberdebatt hat een Deputéierten Folgendes ze bedenke ginn:

„ (...) Et kann een sech och froen, wéi d'Diskussioun an der Belsch virugeet ëm de Stockage vun de radioaktiven Offäll. Wéi d'Madamm [Rapportrice] richteg gesot hat, hu si och nëmmen e provisoeresche Site. An der Belsch gëtt et nach keen definitive Site fir radioaktiv Offäll. An et muss een also och d'Fro stellen: Wéi geet déi Diskussioun an der Belsch virun? An ass et wierklech eng op laang Dauer kredibel Léisung, déi eis hei proposéiert gëtt?“

Den Artikel 2 vum bilateralen Ofkommes mat der Belsch hält iwverdeems fest:

« Les déchets radioactifs luxembourgeois conditionnés seront entreposés en Belgique jusqu'à leur stockage définitif dans les respects de la réglementation belge en vigueur. »

Am Artikel 7 steet :

«Le Grand-Duché de Luxembourg s'engage à couvrir tous les coûts occasionnés



sur le territoire belge en exécution de l'article 2». A weider: « Le Grand-Duché de Luxembourg s'engage à s'acquitter de toutes les redevances présentes et futures pour la gestion à long terme sur le territoire belge des déchets radioactifs luxembourgeois qui font objet de cet accord, conformément au cadre réglementaire en vigueur en Belgique.»

An de belschen Medien, tous médias francophones confondus, schwätzt déi belsch Ëmweltministesch vun engem «incident diplomatique sérieux» an ass irritéiert vun den Aussoen vun hirer lëtzebuergescher Homologue.

An deem Zesummenhang wéilt ech de Ministeren dës Froe stellen:

1. Dir Dammen an Här Ministeren, waren d'Plaze fir de Stockage vum radioaktive Material Sujet vun Diskussiounen während de Verhandlungen ëm de besote bilateralen Accord? Wa jo, wat ass d'Resultat vun dësen Diskussiounen gewiescht? Wa net, firwat net?
2. Wëssend, datt scho während den Diskussiounen an der Chamber Bedenken opkomm sinn, betreffend de futur Sitë fir de Stockage vum radioaktive Material – Goufen et duerno nach eng Kéier Concertatiounen mat de belschen Autoritéiten? Wa jo, wéini, wou, a wat ass dobäi eraus komm? Wa nee, firwat net?
3. Madamm Ministesch, hat Dir well Gespréicher mat de belschen Autoritéite betreffend der laangjäreger, vun der Zivilgesellschaft gefuerderter, Fermeture vun de Centrales nucléaires an der Belsch ? Wa jo, wat war de Fin mot vun dëse Gespréicher?
4. Wéi vill Material vu Lëtzebuerg ass momentan an der Belsch entreposéiert? Wéi vill huet Lëtzebuerg déi läscht Jore fir de Stockage vun dësem Material bezuelt?
5. Konform zum Artikel 2 a 7 vum bilateralen Accord – Wäert Lëtzebuerg sech, am Fall wou déi Sitten no un der lëtzebuergescher Grenz realiséiert géife ginn, mat un de Käschten fir de Bau bedeelegen?
6. Madamm an Här Minister, firwat ass am Kader vum bilateralen Ofkommes net een Arrangement fonnt ginn zesumme mat de belschen Autoritéiten, fir déi futur Sitten net an der Grenzregioun ze installéieren?
7. Madamm Ministesch, hu Dir mat ärer belscher Homologue Kontakt opgeholl, ier Dir mat der Revelatioun vum Stockage no der lëtzebuergescher Grenz un d'Press erugetruede sidd? Wa net, firwat net?
8. Madamm Ministesch, hu Dir lech mat der Regierung concertéiert, ier Dir mat der Revelatioun vum eventuelle Stockage vu radioaktivem Material no der lëtzebuergescher Grenz un d'Press erugetruede sidd? Wa net, firwat net?



Mat déiwem Respekt,

A handwritten signature in black ink, consisting of a large, sweeping 'C' followed by a horizontal line and a vertical stroke, resembling the initials 'C' and 'S'.

CLEMENT Sven
Député



www.piraten.lu



CHAMBRE DES DÉPUTÉS
GRAND-DUCHÉ DE LUXEMBOURG

Dossier suivi par Christian Alff
Service des séances plénières et
secrétariat général
Tél : 466.966.223
Fax : 466.966.210
e-mail : calff@chd.lu

Monsieur Marc Hansen
Ministre aux Relations avec le Parlement
Luxembourg

Luxembourg, le 13 mai 2020

Objet : Question parlementaire n° 2197 du 13.05.2020 de Monsieur le Député Sven Clement -
Stockage géologique de déchets nucléaires

Monsieur le Ministre,

J'ai l'honneur de vous communiquer par la présente la question parlementaire sous objet.

Selon les dispositions de l'article 84 de notre règlement, l'urgence n'a pas été reconnue, de sorte que ladite question est à considérer comme question écrite, conformément aux dispositions de l'article 82.

Je vous prie de bien vouloir me faire parvenir la réponse du Gouvernement dans le délai d'un mois afin que je puisse la faire publier avec la question au compte rendu.

Veillez agréer, Monsieur le Ministre, l'expression de mes sentiments les plus distingués.

Fernand Etgen
Président de la Chambre des Députés